

BOSNA I HERCEGOVINA
Federacija Bosne i Hercegovine
Tuzlanski kanton
GRAD TUZLA



Služba za opću upravu i zajedničke poslove
Broj: 09-11-A-5088-2024-I
Datum: 9. 4. 2024. godine

Na osnovu člana 3. stav (4) i člana 7 a. Odluke o nabavci i korištenju sredstava za rad organa Grada Tuzle i člana 3. Odluke o pokretanju postupka za dodjelu u zakup dijela slobodnog prostora („Službeni glasnik Grada Tuzle“, broj: 1/14 i 4/23) i tačke I Rješenja o prenosu ovlaštenja na državnog službenika u organu državne službe, broj: 02/04-A-14200-2023 od 30.08.2023. godine, Služba za opću upravu i zajedničke poslove objavljuje

JAVNI OGLAS
za dodjelu u zakup šalter prostora

I. PREDMET JAVNOG POZIVA

Predmet Javnog oglasa je dodjela u zakup dijela slobodnog prostora u zgradi Gradske uprave Tuzla koji u naravi predstavlja šalter-prostor površine 6,00 m². Šalter prostor se nalazi u prostorijama Centra za pružanje usluga građanima Grada Tuzla, ul. ZAVNOBiH-a, broj 11.

Šalter prostor se iznajmljuje u svrhu obavljanja poslova platnog prometa.

Iznajmljivanje se vrši na period od godinu dana uz mogućnost produženja.

II. POČETNA CIJENA ZAKUPA

Početna cijena zakupa šalter prostora iznosi 100,00 bez uračunatog PDV-a.

III. KRITERIJ ZA IZBOR NAJPOVOLJNIJE PONUDE

Izbor najpovoljnijeg ponuđača izvršit će se u skladu sa slijedećim kriterijima za bodovanje:

- visina iznosa naknade za pružanje usluga platnog prometa (taxa)- maksimalno 80% bodova (osnova navedenog kriterija je valjana ponuda s najnižom cijenom naknade)
- ponuđena cijena mjesečne zakupnine-maksimalno 20% bodova (osnova navedenog kriterija je valjana ponuda s najvišom cijenom zakupnine).

Bodovanje po kriteriju – IZNOS NAKNADE

Najveći broj bodova-80 će dobiti ona ponuda koja bude imala najnižu naknadu za pružanje usluga platnog prometa. A ostale će se ponude bodovati po sljedećoj formuli :

NAJNIŽI IZNOS NAKNADE/IZNOS NAKNADE IZ PONUDE KOJA SE BODUJE X 80

NAPOMENA ZA PONUĐAČE: Općinske administrativne takse utvrđene su u rasponu od 2,00 KM do 500,00KM.

Bodovanje po kriteriju – PONUĐENA CIJENA ZAKUPNINE BEZ PDV-A

Najveći broj bodova a to je 20 će dobiti ona ponuda koja bude imala najviši iznos zakupnine. A ostale će se ponude bodovati po sljedećoj formuli :

PONUĐENA CIJENA ZAKUPNINE IZ PONUDE KOJA SE BODUJE BEZ PDV-A/
NAJVIŠE PONUĐENA CIJENA ZAKUPNINE BEZ PDV-A X 20

Ukupan broj bodova koji ponuda može dobiti je zbir bodova dobijenih po kriteriju iznos naknade i bodova dobijenih po kriteriju iznos ponuđene cijene zakupnine bez PDV-a.

**UKUPAN BROJ BODOVA= BROJ BODOVA PO KRITERIJU „IZNOS NAKNADE“ +
BROJ BODOVA PO KRITERIJU „IZNOS MJESEČNE ZAKUPNINE BEZ PDV-A.**

Za uspješnost provođenja postupka dovoljna je samo jedna ponuda s tim što ponuđena cijena ne može biti manja od utvrđenog početnog iznosa.

U slučaju da dvije ili više ponuda imaju isti broj bodova komisija ovlaštena za provođenje postupka će pozvati te ponuđače da dostave nove ponude u svrhu provođenja licitacije između samo tih ponuđača.

IV. PRAVO UČEŠĆA NA JAVNOM OGLASU

Pravo učešća na Javnom oglasu imaju pravna lica ovlaštena za obavljanje poslova unutrašnjeg platnog prometa prema članu 3. i članu 5. Zakona o unutrašnjem platnom prometu Federacije Bosne i Hercegovine („Službene novine FBiH“, broj: 48/15, 79/15 i 4/21).

V. PRIJAVE I POTREBNA DOKUMENTACIJA

Prijava za učešće na javnom oglasu podnosi se u pisanom obliku na obrascu koji je sastavni dio teksta javnog oglasa. Uz prijavu je neophodno dostaviti sljedeću dokumentaciju

- Izvod iz sudskog registra ili dokument koji je ekvivalent izvodu iz sudskog registra kojim se dokazuje da je finansijska organizacija registrovana za obavljanje profesionalne djelatnosti koja je predmet javnog oglasa;
- Original ili ovjerena kopija uvjerenja iz Porezne uprave da nema dugova po osnovu poreza i javnih prihoda.

VI. VRIJEME, MJESTO I NAČIN PODNOŠENJA PRIJAVA

Prijave na javni oglas mogu se predati u roku od 10 dana od dana objavljivanja Javnog oglasa na zvaničnoj web stranici Grada Tuzle (grad.tuzla.ba).

Prijave na Javni oglas podnose se podnose se putem Centra za pružanje usluga građanima ili poštom na adresu:

GRAD TUZLA
Služba za opću upravu i zajedničke poslove
Komisija za provođenje javnog oglasa za dodjelu u zakup dijela slobodnog prostora
UL. ZAVNOBiH-a broj 11, 75 000 Tuzla, Bosna i Hercegovina
sa naznakom:

„Prijava na Javni oglas za dodjelu u zakup dijela slobodnog prostora - Ne otvaraj“

Neblagovremene i nepotpune prijave na Javni poziv neće biti uzete u razmatranje.

VII. VRIJEME, MJESTO I NAČIN OTVARANJE I OBJAVLJIVANJA PONUDA

Proceduru javnog oglasa provest će posebna komisija.

Javno otvaranje prijave obaviće se u zgradi gradske uprave, UL. ZAVNOBiH-a, 11, u Sali u prizemlju, dana 22. 4. 2024. godine, sa početkom u 9.00 sati.

Komisija će u roku od 3 dana od okončanja postupka obavijestiti sve učesnike javnog oglasa o rezultatima javnog oglasa.

Nakon okončanja postupka izbora najpovoljnijeg ponuđača Služba za opću upravu i zajedničke poslove će sa istim zaključiti ugovor o zakupu uz prethodno pribavljeno mišljenje Gradskog pravobranilaštva.

Sve dodatne informacije o načinu i postupku učešća u Javnom oglasu mogu se dobiti u Službi za opću upravu i zajedničke poslove Grada Tuzla, direktno ili putem telefona: 035/370-405, kontakt osoba Nadina Salković.

